

T.3205/2102.7

CHINESE JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
OCT 20 1941

7

崑山縣志卷之七

人物三

邑人周世著

唐史德義隱居鹿丘山以著書自適或騎牛帶紙出入

郭東京號為逸人高隱而聞其名在赴洛陽尋稱疾歸公

皆賦詩餞別德義亦以詩留贈其文甚佳天授初到天

赴都詔曰隱士史德義志尚虛玄素履貞格謙冲彰於

用孝友表十閭庭園耕種時長往康陵之巖多山香禱

顯愚公之谷可授諱諱大夫大夫以朝散大夫放歸

崑山縣志卷之七

谷佛大學漢和  
圖書館珍藏印

邑人周世  
編輯

人物三

隱逸

唐史德義隱居虎丘山以琴書自適或騎牛帶瓢出入郊

郭東京號為逸人高宗聞其名召赴洛陽尋稱疾歸公卿

皆賦詩餞別德義亦以詩留贈其文甚佳天授初則天徵

赴都詔曰隱士史德義志向虛玄素履貞恪謙冲彰於里

閭孝友表于閨庭固辭徵辟長往嚴陵之灘多謝簪裾高

蹈愚公之谷可授諫議大夫後以朝散大夫放歸丘壑

陶峴者晉徵士淵明後也開元中居崑山其文學可以經  
濟自謂疎脫不謀宦達擇不欺者悉付以田業家事乃遍  
遊江湖徃徃數年不歸見其子孫成人不辨名字生知八  
音撰樂錄八章以定其得失自制三舟備極堅巧一以自  
載一置賓客一貯飲饌客有孟彥深孟雲卿焦遂各置僕  
妾共載峴有女樂一部奏清商曲逢佳山水必窮其勝名  
聞朝廷經過郡邑靡不招延峴不肯來自謂麋鹿野人非  
王公上客亦有不召而自詣者吳越之士號為水僊素慕  
謝康樂之為人云終當樂死山水浪迹三十餘年游襄陽

西塞歸老於吳

宋王禧字康國居太學有聲鄉人識與不識皆尊敬之稱  
為王學正有堂名逸野日遊適其中讀書自娛其持身治  
家甚嚴鄉中率以為法從孫葆自幼知讀書乃倍之訓也  
生平無子王氏舉族祀之不絕

龔昱字立道父明之昱少遊李侍御衡之門有文學安貧  
樂道鄉人稱為龔山長然名不逮才識者惜之嘗扁所居  
曰栖閑陸游劉過皆為賦詩手編樂庵語錄崑山雜詠行  
於世

元盧觀字考達其先龍興武寧人五世祖來平江徙居崑山祖鑑字明叔工詞賦鄉舉待補進士父有常字元吉以隱約終觀自少穎悟刻志於學嘗受業於鄉先生湯彌昌錢重鼎之門學問該博見道分明名卿鉅人多欲薦舉之者觀力辭之隱居教授接人弗以貴賤異或妄以非理加之怡然不與較曲直其人慚謝待之如初平居事親盡孝勇於爲義暮年得疴癘疾猶手不釋卷吟哦諷詠咀嚅道真凡經史禮樂百氏之書下至上筮醫方小說多細書成帙蓋樂而不厭初不以貧病而輒廢也益勉飭子孫以業

書修行既卒門人弟子私謚曰夷孝先生所著有易集圖詩集說草翠軒文稿樂府聲調集總若干卷子熊熙

俞君谷字恭卿福州長樂人早孤母黃氏親授以書宋亡隱太倉自號知止子累微不起延祐中卒門人私謚曰貞節先生子焯字元明泰定四年進士

秦玉字德卿父庚從方蛟峯學隱德不仕玉早孤即能卓立不群刻志善學既長博通諸經尤邃於詩授徒誦學不求仕進天性孝友事母與兄無違禮事無大小悉稟而行母有疾湯藥必親嘗累旬不解帶母卒哀泣至血終喪不

沐浴不鹽醋鄰居失火熾甚家人各奔散王獨憑棺號呼  
火遽自滅人以為孝感所著有詩經纂例學庸探說宋三  
朝摘要齋居雜錄并詩文若干卷卒門人私謚曰孝友先  
生子約

顧權字伯衡其先婺源人父達卿始居崑山初達卿與雲  
峯胡先生同里閉心敬慕之期有子當使為士及生權見  
其端重岐嶷銳意教之稍長敏力學業不以初寒盛夏暑少  
輟博習群書尤究心於易平居不事衿飾喜哦詩酌酒恒  
頽然自放然與人交際久益恭謹中年刻意為文章有古

作者矩度一字不當不苟出遭時多艱隱居不仕為鄉校  
師卒無子知州僕侯斯教授蔡基為買地葬於馬鞍山北  
麓殷奎銘其墓門人私謚曰靖夷先生

李季高號蓉月性慎謹博洽群書同衛培以隱德老子林  
下郭羲仲謂二人者儒碩德典章老成皆表表楷模師儒  
之宗也著有蓉月集

文質字學古隱居婁江之上學行卓然詞章奇放嘗與楊  
廉夫夜行有挑梅花燈者廉夫命賦一詩立就為廉夫所  
稱年九十六以終

詩曰五出玲瓏四面分一枝挑月照黃昏  
婦來踏漏橫斜影吹落東風不見痕

瞿信字實夫自幼嗜學善持論平居整暇無卒聲辟貌未嘗談人過惡食必男女異席衣冠非就寢不去兄智出游四方信事親盡孝家雖貧恒欣欣焉兄卒孤兒女數人信愛養之婚姻一如已子至正間台寇作信負母避寇青龍海上築室扁曰閒野雖居隱約客嘗蒲座南臺御史李烈舉信孝廉不應卒子度好學有文洪武初知陝西金縣金至善字伯明居澱湖之陽修德樂施老而益力于學教導鄉里多所成就自號菊逸老人有菊逸集若干卷

張師賢字希顏世業儒好古博雅善談論喜作樂府四方

士大夫過婁東者必造其居名所居曰芝蘭室

馬慶字公振世居婁東遷南鎮巷里築室鑿池有田園花木之趣左經右史遇佳客往來則觴咏不輒與世泊如也楊鐵崖深器重之稱為忘年友有醉漁草堂二集

顧輝字仲瑛一字阿瑛少輕財結客豪宕自好年三十始折節讀書益購古書名畫彝鼎秘器築別業於茜涇西曰玉山佳處日夜與客置酒賦詩其中四方文學之士若河東張翥會稽楊維禎大台柯九思永嘉李孝光方外之士若張伯雨于彥成琦元璞與凡一時名士咸主其家其園

池亭榭之盛圖史之富與夫餽館聲伎並出甲一時而才情妙麗與諸公亦畧相當風流文雅著稱東南嘗舉茂材署會稽教諭辟行省屬官皆不就張士誠入吳欲強以官乃去隱於嘉興之合溪及母喪廬墓閱釋氏書有悟遂祝髮滯金粟道人自題其像曰儒衣僧帽道人鞋天下青山骨可埋若說向時豪俠處五陵鞍馬洛陽街洪武初隨其子元臣遷臨濠卒所著詩曰玉山璞藁萃亭館篇詠刻梓

草堂名勝集又刻交遊諸公詩自楊維禎而下四十餘

### 草堂雅集

國朝易恒字久成居邑之大泗瀆祖蓮峯先生素有風格恒克澡勵蹈其矩範家貧或不給用處之泰然闢地數百弓引泉藝花竹名曰泗園日詠歌其間視聲利泊然無所動其中所著有陶情集

呂誠字敬夫性慎密少知力學淹貫經史尤長於詩世味澹然無所預所居有園圃山林之勝邑令屢聘爲訓導不就卒老于鄉嘗携詩稿謁楊維禎稱其風流俊采爲一代之選與素華齊名時稱素召

王明善字復初號樵王性剴介隱居授徒教律嚴謹時兵



火之餘人鮮知學明善實爲之倡百里之外聞其風而來從者幾千人一經訓厲咸有成立

范廷珍字惟中父考良耆德夙望表于一鄉洪武中里中子坐不法事連考良禍不測廷珍率其弟廷珪詣官白願以身代父死詞意懇惻百折無少衄官爲之感動遂得兄弟俱隸戎籍于河間廷珍素善醫無論貴富貧賤召之卽往無責報心晚年學更該洽喜吟咏字法歐陽求者接踵年九十餘猶日作數十紙弗厭葉文莊公爲傳其事

龔詡字大章號鈍菴父登洪武中爲給事中謫戍死詡爲最幼子鞠於外家冒姓王氏年十七爲金川門守卒建文末靖難兵首入金川門詡大哭投戈而歸隱迹躬耕讀書不輟宣德中巡撫周忱屢至其家咨訪時政兩薦爲松江太倉學官不就曰詡仕無害於義恐負往日城門一慟耳居破廬中種荳植桑誅歌自適年八十餘而卒門人私謚曰安節先生所著有野古集

孫俊字叔英其先華亭人後徙居崑山澱湖之陽父志德號映雪翁俊讀書尚友尤工詩嘗從范仲能游性敦朴不慕聲利晚別築草堂於磧溪之南日與二三鄉老觴咏其

間所著有南溪草堂集葉文莊公爲之序

范能字仲能少從毘陵謝應芳游精醫善吟尤工法書永樂初被徵至郡力以母老辭郡從其志既歸日以詩酒自娛不入城府所著有淞南集

朱璣字廷儀開門受徒且教且讀尤精於易自負剛氣教法嚴飭荷教者幾千人論者謂鄉塾師道之立可繼王樵王之後姪旻

虞震字啓東別號常春侍郎祥子性高介祥卒無遺貲震僦屋以養母兵部尚書俞公舉爲本部司務以親老辭毋

卒居喪哀毀盡禮讀書工詩自漢以下詩人辨其體制工拙

悉當其妙處關風教見時事乖謬輒譏刺不少避家有

藏書手自校雖老兩眼摩挲亦無一日離書案間所著

有常春稿江湖小稿檮菴暇筆旅寓雜抄通數十卷藏于

家子臣

沈方字孟舟號趣菴家世業醫清修好學惡近佛老嘗構隱居數椽積書千卷皆親點校以訓子孫酷好陶靖節詩尤喜法書名畫視世務澹如也及卒楊文定公表其墓子

愚魯訥

沈愚字通理號空峒生夙承家學益肆力于詩書與劉溥  
諸人稱十才子其詩清美圓熟而尤長於古風樂府嘗高  
宋劉龍洲行誼作詩吊之復立小傳并集其遺稿暨宋元  
名士詩共若干篇題曰懷賢錄又有篋籙集二十卷吳欽  
集丑卷弟魯孫世麟縣庠廩生天才俊敏爲詩文不屬藁  
頃刻立就然落魄不羈自放於酒衆以狂生呼之而其操  
行高潔大節磊落有人所難及者中歲屢困鄉闈遂不復  
觀書指架上千卷謂人曰吾神遊其間矣其興致遠達如  
此

沈魯字誠學號玄谷子博學工古文奇麗閱肆號稱作者  
一時碑板傳後之製多出其手居家尤篤倫理重名教巡  
撫周文襄公下車問政况太守鍾贈之金力辭不受所著  
有經制權畧三卷坐道論二卷第訥別有傳子存

徐任字性用世家叟東父彥輝宣德中歿于京邸任扶櫬  
還晝夜號泣繼以血毋楊氏疾每夕稽顙北辰求代病轉  
加熾復割左股三次作糜以進以甘之疾遂瘳

張潮字思信爲人嚴毅雅飭自幼嗜學尤精於書嘗應舉  
不偶遂棄去隱居後徒未嘗輕出邑大夫歲舉鄉飲一至

城郭見者知敬性善飲每遇天日和美風月清佳與鄉老  
一二輩引觴衡茅間或論經史或談農桑悠然自得  
以壽考終焉子璐

徐協祥縣學生弘治間有司以孝聞旌表其門閭

朱夏字日南中書舍人吉之孫性重厚謹嚴不妄交際以  
家世業儒刻志勵行思繼前人喜作詩尤精書法真氣尚  
節不逐逐於時好嘗開塾授卓然鄉邑以為儀表

吳文定公表其

修

文

周號字德元

門教授

顧恂字惟誠為人和厚謹飭雖居市廛之中而重惜名檢  
不為欺罔之行鄉人類能道之與夏太常沈倅侗為忘年  
友倡和成卷痛毋蚤世不迫養觸事賦詩曰永思錄所著  
有釐峯吟藁數卷藏于家卒年八十有八子鼎臣

思盛不幸幼年哭母中歲又哭吾父其為不幸也甚矣  
昔人有聞人譚虎傷人而神色獨變者吾於顧氏永思之  
作不覺重為眩然

戚軒字宗軾工詩業文教授鄉里所居有杏林書屋日與  
高人觴咏其中著敏慎齋稿四卷又有張翼字汝敬制行  
與軒同其修潔均有隱者之風焉軒孫學

王億字萬年少孤兄俸撫愛切至教之甚勤億善承之造詣日深遂明於性理之學與其從兄傳自相切磋務求實踐傳蓋清元特立之士精於易學者也以故學者翕然從之稱爲後舟先生所著有養心錄讀書要語集三江圖說藏於家晚年以德行奉詔冠帶後以子宇貴贈按察司僉事

沈本初字大中幼孤力學好吟咏善楷書許墅分司鄭主事延爲義學師既至以上司接見卽飄然歸楊遂菴閣老應召招同北上作詩謝之曰已無絕藝在賢相惟有虛名

全後再以金幣致意復謝以詩曰身安老圃無余念  
青  
山  
有  
遠  
情  
其  
其  
貧  
有  
守  
類  
此  
居  
家  
亦  
嚴  
重  
有  
法  
年  
八  
十  
餘  
而  
卒

人物四 獨行

漢下崇婁縣人桓帝時太守薛昌爲法吏所枉下廷尉崇與郡人錢讓詣闕稱寃廷尉囚崇等以兵圍守苦毒持之崇讓恬然自若在聲彌厲天子聞而奇之乃赦固罪

國朝陸安者邑之三畝民也洪武癸酉父德甫爲安保事罪坐大辟時國法方嚴卽當棄市安時年二十隨父抵京

痛不忍舍伏闕哀請願以身代 詔許之臨刑之日從容  
就刃觀者咸泣下稱嘆德甫持安骨歸妻鍾氏抱骨哭盡  
哀即自經死沈魯贊曰夫死於孝婦死於貞可謂行人所  
不能行者矣

人物五

游寓

宋唐輝字子明郡人寓居崑山以文章名於時登政和進  
士第紹興中為諫官時盧知源知臨安府為政乖謬輝論  
罷之官至禮部侍郎弟燁建炎進士

王綯字唐公秦正懿王審錡五世孫也建炎巳酉為御史

中丞金虜入寇具陳攻守之策宰相不能用車

扈從至鎮江從容奏曰陳東以忠諫被誅此其鄉里上

命賜其家官其子尋以資政殿學士權太子太傅三年拜

叅知政事明年罷知越州及上幸越韓世忠邀擊虜歸騎

於楊子江綯議遣兵追襲與世忠夾擊之同政者議不

遂求去御書霖雨思賢佐丹青憶老臣十字以賜之綯為

人剛正有守立朝無所阿附及居政府每以祿不及親自

奉甚薄不置第宅晚寓崑山之薦嚴寺蕭然一室服食器

用無異寒士天性仁孝賜卹媼族無所不至卒謚文恭平

生無他好惟以讀書爲樂其文溫潤典雅長於理致有內  
外制四十卷奏議三十卷進讀事五卷論語解二十卷孝  
經解五卷群書編八十卷內典畧錄一百卷子陔

張匯字朝宗其先濮州人文潞公諸壽雋爲洛陽耆英會  
有龍圖閣直學士張燾卽匯之祖也匯當南渡初五爲浙  
漕時宰臣開督府分道遣兵詔匯隨軍應副不限以路匯  
歷江淮歸浙建臺玉峯因家焉嘗卿棘寺以刑清特詔褒  
美後游歷麾節終中大夫直寶文閣由是子孫爲

劉必成字與謀其先福安人來居崑山之溢浦必成少遊

國學卽馳雋聲嘉熙初七士同叩閣極言時事必成實爲

之倡是年七士俱預計偕而必成爲武舉解元明年遂魁  
天下淳祐九年復中鎖廳蓋以文武全才自負也嘗兩入  
閣輪對慷慨言邊事上深褒美次日宣諭宰執曰必成所  
言極好後皆行之歷知潯州卒官湖南安撫副使自號愛  
閔翁有三分詩稿行於世

鄭準字器先其先開封人華原郡王之諸孫也曾祖億年  
資政殿大學士祖臨朝議大夫知廣德皆僑居邑之通德  
坊臨之從子曰與喬歷仕四朝謚忠肅尤號稱外族之賢

者準由蔭補魁銓闈登慶元進士第歷仕知袁州終於中  
奉大夫準生長工侯家氣象如儒素薄於功名厚於道義  
輕財好客赴人之急如已事尤加意嫗族髮髯范文正公  
義莊之意買田給贍至其子孫仍之不替子端守高郵自  
試吏至典藩所至以廉謹稱姪疎嘗知泰邵韶三縣以奉  
直大夫奉祠里居謙和樂易不與物忤年八十餘而卒諸  
子俱俊敏能官

樂備字順之一字功成由淮海徙家崑山有學行名能文  
章尤長於詩與范成大馬先覺結詩社官至軍器監簿

陳宗名字景南福清人因贅而居崑山登進士第終禮部  
尚書二子貴謙益夫秘閣修撰又嘉泰二年博學宏詞  
科康熙尙左郎官貴誼字正夫慶元進士叅知政事謚文  
定爲端平名執政又登嘉定元年博學宏詞科

龔猗汴人殿中侍御史扈從高宗南渡道經崑山真我折  
銀杏一株禱地祝曰若此枝得活吾於是居其枝長茂後  
成大樹繁枝蟻屈臃腫如瘦如乳者凡七十餘顆相傳爲  
其子孫嗣世之數時人異之稱爲龔遇仙樹子孫遂爲崑  
山人



劉過字改之吉州廬陵人宋南渡後以詩俠名湖海間陳亮陸游之棄疾世稱人豪皆折節與友周必大作相欲客之門下其詩豪放英特如登多景樓詩有中原在望莫登樓之句又有斗酒虓肩風雨渡江豈不快哉等詞至今論其人如叩閭一書請光宗過宮言尤剴切屢與三策其言一乃畧勇請用兵謂中原可不戰而取性喜飲酒其詩亦多豪壯志欲航海會友人潘友文宰崑山因過客其家焉死不能葬友文與主簿趙希楸共出資葬之於東齋之側每歲三月邑

宣地馬 崑山東葬之并祠於東齋之側每歲三月邑

令丞率士人祭之陳止安誌其墓其詩散漫多為朋儕取

去後其弟澥稍能緝錄而傳之見邑人沈愚懷賢錄

敖陶孫字器之長樂人贅居崑山以詩著名時韓侂胄逐

丞相趙汝愚死貶所敖在太學賦詩吊之詩曰左手旋乾右轉坤諸公相

顧尚流言狼胡跋躑躅傷姬且漁父沉淪吊屈原一死固知公所欠孤忠賴有史常有九原若見韓忠獻休說渠家五

世侂胄大怒捕送大理寺掠治體無完膚編管嶺南後登

慶元五年進士官承議郎簽判泉州自號臞庵

易斗元或名斗南字復之號蓮峯廬陵人也登咸淳進士第為

平江常熟尉攝崑山因家焉子偉字成大號兼山幼失

佑恃負氣績學自卓立既強仕困於無貲即試吏平江  
再調嘉興三擢浙省幕官率職無怠後以從仕郎吉水州  
判官致仕居閒習散惟以禮法繩子孫喜為歌詩人稱兼  
山先生曾孫恒

元夏迪字君啓吉 女人元季方寇之亂以海道萬戶為行  
軍經歷統眾至崑山

太祖革命遂托以丁峯山水之佳贅婚而居遂為崑人結  
屋讀書詩酒自適嘗自詠曰一劍江湖已十秋中原無復  
舊西周便應抱膝髀丘下肯冒人間兒女羞其志節可

銓字士平江西豐城人賦性明敏子歲文博工詩文至  
止間為江泐儒學提舉徙居太倉

盛德瑞字祥父其先江陰人少孤鞠於祖母於幼從  
山以周易教授閭里至正中聘入郡庠為訓導歷事七年  
教授之績紀于學徒既而遷居田野遊心玄微與時消息  
著易辨五卷

鄭東字季明平陽人寓于崑山天分絕人嘗矻矻窮經再  
踐場屋不偶遂棄去大肆力於古文久之思如湧泉歐陽  
玄奇其材嘗薦之會病卒弟采字季亮性狷介因東客崑

山來就東學未幾下筆爲文皆有矩度然剛毅忤物竟以  
坎壈終太史宋濂嘗序其聯壁集評東之文氣韻沈雄如  
老將帥師旌旗火鼓繽紛交錯咸歸節度采之文規製峻  
整如齊魯大儒衣冠偉然出言不煩曲盡情意君子以爲  
知言

楊諲字履祥本浦城人徙居于婁與秦玉素華爲友博學  
有才行不慕聲華專工著述有宋著龜錄帝王圖辨素三  
道史姓字通辨諸書晚作崑山州志楊鐵崖爲之序

王彞字常宗其先蜀人父某教授崑山彞遂留居於崑少

貧讀書天台中師事孟長文長文爲金履祥弟子故彞  
之學遠有端委爲文精嚴縝密明暢英發不爲諛詞以逐  
時好時楊維禎以文章雄視東南一時多尚之彞獨目爲  
文妖作文詆之洪武初與修元史書成以母老辭歸後與  
高啓俱坐魏觀事卒有王常宗集四卷行於世

盛或字季文世爲常熟人生於富室篤志力學工詩文值  
元季兵亂徙家崑山與楊維禎鄭東秦約文質陸仁輩游  
所著有歸胡岡集後坐累汨舟金山疾革朗吟一律投筆  
而逝

陸仁字良貴本河南人寓崑山明經好古其詩清雋奇偉如弗郎國進天馬頌水仙廟迎送神辭度黃河望神京諸篇縉紳先生莫不稱道楷書章草皆灑然可觀

俞日強字伯莊其先福之古田人父與可號藍溪先生爲武夷山長來居崑山日強寫志於李淹貫經史奉母以孝聞號淵默叟有文集行于世

徐石麟字仁孚浙之蘭溪人儀貌秀美性資明達至正間任崑山州判官斷疑獄興水利征科有法事集而民不擾休遂家崑山貧不自給不肯枉道屈節以干于人

崑山城南盧熊志其墓稱其出處議論澹然古君子

國朝陳潛夫字振祖本錢塘人徙居崑山性端方善訓迪聲華甲於士林洪武六年爲邑庠訓導後陞國子監學正登其門者多成偉器著述甚多散佚無傳

盧昭字伯融閩人寓居婁東父鈞華善於教子鄉黨以爲楷式昭從明師學經史百家靡不探究長於詩文所作皆有法度縉紳先生咸器重之洪武初爲揚州教授

林鐘字重鏞世居華亭學問該博洪武中辟爲崑山儒學訓導因家焉後陞湖廣慈利知縣時峒蠻爭雄鍾肩輿入

峒喻以禍福遂相率從化永樂初擢吏部考功郎中拜山  
東布政司叅政孔廟頽圯親督工葺之暇則擇孔氏子弟  
授以經史後以事累卒于官號松谷道人所著有松谷

人物六

列女

元朱節婦茅氏都水監朱虎妻大德七年二月虎得罪籍  
其家茅氏及二子俱錄送京師沒屬官醫提點師甲茅與  
二子衣裙連結晝夜號泣飲食不進師屢以勢臨之終莫  
能奪虎故人王大卿等義而哀之合錢贖回寓於永安尼  
寺茅痛念家禍悲憂成疾而卒至元五年旌表其墓

什史館知州僕僕斯立石墓上

周烈婦張氏太倉張百夫之女年十七贅夫歲餘烈婦之  
父百夫長與其伍謀刺其帥事泄夷其家婦之父母及夫  
皆死次縛婦於武陵縣將斬帥之子惜其姿容令召者舍  
之語曰能從我活汝婦怒曰豈有父母死而我獨生者  
乎又誘曰苟從我當矣汝父與夫屍婦益怒帥子拔佩刀  
磨其頸曰汝不從斬汝首啖汝肉婦罵曰不義賊而父既  
殺吾父更欲婦我耶帥子度不可脅乃憤而殺之會稽楊  
維禎評曰人之所惡莫甚於死從容就義烈士難之况婦

女乎周真可表也哉

謝烈婦崑民沈慶一妻年二十八孀居將終身焉至正壬辰海寇方谷珍剽掠沿海女婦甚衆謝度其姿容不可免而寇進益急謝曰河去舍遠吾不能赴河以全吾屍苟得全吾志免矣因積薪縱火自焚寇退家人得其骨葬之太史陸鈇表其墓

**國朝陶節婦**邑人嚴華妻夫死時年二十二寡居終身春秋五十二洪武七年四月官爲旌表門閭

凌氏邑人范安三妻年二十二而夫亡依母居誓弗再醮

送京師薛氏時年二十餘蒙垢莫能掩其麗將行扣率見而悅之謂邵曰若欲生致都下盍使事我否則促死矣邵懼曰如命乃密呼婦語故婦佯應曰諾即盛備酒饌饋邵至暮遂自縊于粉閣中隣里爲葬之今塚在西湓瀆村彭氏菜園內卽當時粉閣也鄭進士文康爲之立傳

沈氏邑人鄒麟妻洪武中麟沒于陣沈誓死不二續紉自給降嫗或諷其青年無子可更爲身計輒泫然垂涕曰移天而凱非望獨何心耶指所居室曰必死于此無他事矣會夫家廢父母家亦甚貧不能自存而志益堅確竟以哀

毀成疾而卒時年二十八

陳氏邑民黃福安妻福安育于同里浦均茂家年十八娶陳生子未期夫病以卒均茂買棺斂尸將以明日瘞之是夜陳携孤撫棺哭甚哀比曉潛自經死時宣德四年某月日

胡原妻錢氏幼讀孝經知大義洪武末原戍雲南通竄事覺坐棄市錢與訣曰君萬里歸爲母與妾耳今君死矣妾何獨生至夜分遂自縊年二十八袁華傳其事復悼詩以

清紹宗妾金氏紹宗病卒金氏恐招侮即屏膏沐有古貞

婦風節里人欲謀表其行金氏曰不可朝廷著令二十九得聞三十不得聞也里人曰降一歲在我無難金氏曰此非吾心所安遂寢不舉年八十餘而終

顧烈女父母早亡鞠於叔父初許嫁王氏未醮而夫亡叔父復許嫁徐氏擇日畢禮強之行不得已乃以帛纏束其體牢不可解至則謂徐曰吾非汝家婦乃故王郎妻也堅拒不成禮徐亦義之不忍強至夕遂縊死

唐士則妻曹氏甫有子在襁褓士則商死鄱陽湖曹時年二十卽去華飾孝奉舅姑舅目眚姑寢末疾扶持保養未

嘗少忌鞠育幼子底于成立舅姑歿喪葬皆以禮寡居四十四年鄉人稱其節孝淮海秦約爲之作傳

鄭氏諱慶字宜君宋華原郡王之後生長儒家端慎柔雅年十八歸邑庠生彭餘璋及期而夫病再期而夫卒宜君號哭抱持莫知所圖三日成斂淚盡不能言直呼曰天來爾偕我往四日潛自沉死年二十一有司以聞旌其門曰貞烈

黃氏名寧舉人鐸之女年十九適周瑄方二年瑄卒寧矢志不二姑病痿十餘年不可舉動寧百方求療終弗愈有

老嫗謂寧曰我聞觀音大士願力甚大事之當得感應于是肖大士像晨夕百拜凡五年忽夢大士曰汝每七日扶姑起坐以九度爲止痿則愈矣時姑病篤聲觸卽死其難之然不得已如其法扶起漸覺不難至第九度掖至大士像前爐香忽躍起踰梁而下正中姑腦有聲如雷由是步履如常邑人咸稱孝感縣令羅永年聞之遺米二十斛以助其養太僕少卿李應禎表其墓曰節孝

王原甫妻徐氏太倉醫家女明于幼科原甫卒一女始睜舅姑又被逮至京王氏年二十獨留家居誓撫孤女有成



女既笄亦卒復乞養趙氏女而婿又亡王與趙更相爲命日惟膏藥自給年八十六而終

楊氏士人張元甫妻也年二十而寡且無嗣貞風雅操峻潔過常年七十餘而卒事聞詔旌其閭

錢氏航凍涇祝民妻年二十六祝卒自少至老瑩然無玷端莊靜重壽考而終葉盛鄭文庚同往拜之曰莫恠到門輕下拜要令田野辨龍蛇

朱氏諱端卿士人鄭友光妻鄭朱皆儒家其處室素閑女訓年十六歸友光友光卒卽以節自誓事其姑徐盡孝能

順適其心姑以高壽終旣老所守如一日知縣楊子器以事聞旌其門曰貞節

吳氏縣吏沈濬妻濬病危時鄭宜君方死節鄉人喑喑嘆賞吳默有所感後一月濬死歛畢從容洗沐更衣自經年二十九龔詡有詩挽之

王氏名素湖涇農家女也年十四嫁里人朱佩越四年而夫亡父母憫其早寡無子潛以適人王覺之遂自經死

夏氏名妙清太常卿景之女刑部主事盧瑛妻也瑛卒夏方年二十四奉寡姑撫懷抱子不出門戶者垂五十年成

化五年 詔旌表其門閭

龔氏諱貞進士張經妻也年二十七而經亡矢心秉操奉姑教子孀居五十餘年皦然不滓子希賢以學行稱繫龔之訓也有司上其行旌其門曰貞節

周氏名淑貞縣學生楊洪妻洪以疾卒時周年二十九子然居貧縫紉紡績以糊其口而志操愈堅君子稱其苦節

龔氏訓導諸敏妻幼有淑德年二十三歸敏僅六年而敏死貧且無嗣人皆難之龔能甘淡泊勤織紉以供祭祀撫孤女咸有所托勞苦三十餘年米藥之操始終不渝

陸氏諱妙善邑民王佐妻年十七歸佐不數載夫亡日夜紡績以圖奉姑撫諸孤咸至成立節操始終不變

潘氏諱妙貞邑人徐孝妻年十七嫁孝逾年夫亡潘即屏去華飾勤紡績年餘五十不越戶外鄉人稱之

胡致霖女名淑寧年十九許嫁楊皓皓商于外十七年不返淑寧不嫁已而計聞乃泣曰吾命矣夫于是求者接踵父祖強之堅不從恪守志節以終其身絕無纖累

楊氏名德蘭知縣楷之女少許嫁戴忠忠病劇迎楊以歸弗克成婦而忠卒楊時年十六安於夫家居常依寡如母

列不離母使人諷之楊氏拔髮自誓竟不歸寧歷三年姑病時疫家人畏莫敢近楊氏日奉湯藥扶掖臥起因染疫而卒

陳可樂妻王氏貢士王士高之女及笄歸于陳未幾可樂病瘵生一子唐方思歲可樂且死顧謂王氏曰伯兄無子可以見與之王曰養老字孤吾事也因泣下截髮以自誓時庚午之歲大侵卒以孝養終二親而喪葬之居無一畝之官人罕見其面晚年目青醫至卻之曰吾手不能與人公視也婆居四十年而卒邑人歸有光銘其墓

顧瓊妻張氏年十八歸瓊四年而寡卽屏膏沐教育子女

勤耕織以保門戶孀居五十年終始一節鄉邦重之都事顧瞻之母

生員龔濂妻周氏年十七歸濂不三載濂以顛疾走死於

外周卽欲自經其姑沈氏止之曰爲夫立后死未晚也因

立族人之子文楷爲後周遂屏食而卒

節婦項氏生員王時雨妻年二十四而時雨卒子方三歲

項氏守節杜門紡績以供衣食備歷艱苦六十年子任用

登科顯仕皆項之訓也嘉靖二十一年有司具題旌表

陸氏士人王士之妻士卒陸氏年二十有二卽不食以祈

死家人勸諭百方泣曰吾夫不能養其父反累父治其棺  
衾吾何忍復累之也衆信其言方之少懈即以楮幣焚柩  
前若有所禱閉戶自經去其夫死總七日有司上其事旌  
表其門其居在邑南西溢濱村薛烈婦鄭宜君金死節焉  
嘉靖中陸氏又經於此邑人異之名其里曰三烈  
陶節婦方氏斬水令王岡之女年十八歸士人陶子舸期  
年而子舸死婦悲哀欲自經或責以姑在因俛默久之姑  
亦寡居同處一室甚相憐恤後九年姑病卒含殮畢婦即  
自投舍西水中兩手持芟根牢不可解家人得其屍面色  
如生遂啓其自置之穴在子舸旁者葬之嘉靖四十二年

### 旌表

生員吳羽妻張氏年十九歲而夫卒遺男吳孝甫方二歲  
張氏既葬其夫復織麻以孝養其翁姑撫孝甫至成立清  
貧苦節五十年如一日隆慶三年旌表

節婦胡氏醫人沈瑞妻年二十三而寡撫孤女贅婿王珀  
方成童坐其兄逋株繫京獄者五年衆議改嫁胡氏堅執  
不從賣麴丸以贖婚於獄與女婚配甘凍餒不改初節萬  
曆元年旌表

節婦金氏監生吳珊之妻也年十五嫁珊後七年而珊卒

矢志守節頑象生坐事祖姑能盡孝道鞠育遺孤其歷辛  
苦如是者六十餘年而卒萬曆四年 詔旌其門曰節貞

人物七 藝能

宋毛松善畫花鳥四時之景子益乾道中畫院待詔工翎  
毛花竹尤能渲疏似欲飛鳴有黃鸝出谷荷塘柳燕等圖  
傳于世益子允升景定中畫院待詔亦世其業

戴老學趙千里林木山水可追迹趙大亨世稱老戴而逸  
其名

元陸德潤字仲德吳郡諸陸之裔好陰陽星曆之學客江

西學得秘數益推極其說節殊厥貫使不背於理學者喜  
之然頗自秘匿不輕以語人為入簡潔退然如無能者喜  
信義與人交久而益喜

周仲高精天文地理之學遊四方廣山大川觀陰陽之會  
徵休咎之符時方承平自錢塘來崑山曰天下兵且起吾  
卜地莫如婁善遂居焉已而錢塘熾於兵而崑山無恙人  
皆趨之崑山自縣衙及宮寺神宇相方定位卜日揆辰皆  
出仲高

李簡字士廉本廬陵人僑居崑山操守端方文學優贍好

古工詩尤通陰陽家學

宋尹文字文壁幼知向學受知於左丞許公師敬舉爲翰林檢閱官學琴於秋山徐氏得其雅正之趣大德間魯國長公主聞其名召至奏胡笳十八拍公主撫然曰其音悽惋有放妻離子之悲何其感人之深也顧左右賜以白金百兩文後歸老於家益精六壬遯甲之術推測休咎多竒中云

王時字景南博學好古精於篆隸草草用意深密凡六書源委靡不擇究盧熊深稱美之

朱玉字均璧善繪事聞佳山水每條然獨往數千里不以爲難永嘉王振鵬在仁宗朝以界畫稱旨玉從之遊畫其技嘗奉命金圖藏經佛像方不盈拒曲盡其狀而意度橫生不束於繩墨人言振鵬益不之過所居有虹月樓見古蹟

吳濬字孟思自杭來居崑山少好學工翰墨尤精篆隸師吾衍得其書法四方來求書者日衆出輒爲好事者邀止止或彌月爲人外不爲物忤而內甚剛介所交多達官而絕無求薦進意卒于崑山

朱珪字伯盛工古籀篆文其於六書之義攷之尤詳既又  
盡悟石鼓繹碑之法嘗以餘力刻印章為吳中絕藝茅山  
張外史錫之名曰方寸鐵又取宋王順伯元吾衍趙孟頫  
諸家印譜纂為凡例并吳睿等所書自製私印附焉名曰  
印文集考又模吳睿所書為字原表目珪為人清澹寡慾  
五十不娶儵然有出塵之趣永嘉李孝光清河張伯雨會  
稽楊維禎昆陽鄭東咸所嘉尚云

國朝王履字安道幼篤志於學博極群書教授鄉黨為  
是借式又善醫藥從金華朱泰修遊遂盡其術作傷

百九十七法辯標題原病式一卷百病鈎玄二十卷醫  
統一百卷皆先賢所未發者尤工卅青洪武初遊華山作  
四十餘圖書紀遊詩其上至今好事者家藏焉子伯承能  
繼其武永樂中以醫鳴於兩京後卒罔嗣盡以其秘傳之  
婿沈仲實云仲實號松巖有士行仲實之孫承先亦善醫  
不嗜利縣令方公豪以其能愈母疾大書助孝二字以贈  
之

沈貞字士怡業精於醫志在濟人未嘗嗜利患傷寒難治  
因以仲景論為主取李浩或問郭雍補亡由漢迄今凡論

傷寒者集而為傳名曰傷寒會通吳下諸醫謂其補仲景之未備子方

許律字用韶元醫學教授矩之長子得世傳之秘凡人疾所不能療者必之用韶求治一經診視其死生如决著龜第度量俱世其業

董伯儒與許用韶為內外兄弟而醫之學同出一門伯儒淳實無偽脉藥甚精授醫學訓科子士源克造其奧能聲著于遠近士源之孫愚字汝頰尤深於脉理投劑無弗效  
老鄰人呼為董一貼

許謙字元孚少從鄉先生王安道遊博通儒書深造醫道有詩文若干卷名野情集

陶浩字巨源少業儒為許元孚贅婿因傳醫學能數起奇疾聞其名而求療者日至素性清儉有聲士林鄉人稱名醫必曰巨源

范暹字啓東善畫花鳥永樂中入畫院博識有談論館閣名公多重之人稱葦齋先生

鄭壬字有林號雙松宋華原郡王居中十葉孫博學強記世精產科至壬益著其聲戶外屢常滿然於利無所計子



文康

何順中自曾祖子雲以下世業醫至順中益著工巧居太醫垣四十年王公貴人有招延之者視義不視物必專敬乃往往則疾家有所恃或以勢位臨之弗能致也家固貧極謹義利之辯云

葛哲字明仲世業儒尤精醫藥哲以薦授荆府良醫所著有保嬰集上之 朝弟膚亦善醫時稱二葛

張畫字文翥善畫山水宗馬夏弟翼字文翔慷慨尚氣節善書宗歐顏得意處謂能逼貞嶺北諸公字及溫泉題壁

甚多大者至如方斗其書龍門諫院題名記尤為超偉  
屈杓字處誠善寫竹繼夏太常之後間作枯木竹石簡淡古遠得王孟端筆意

吳璫字惟貢畫竹師夏太常亦知名于時

周振譽字齊聲世業醫至振譽益精正統初徵入太醫院擢楚府良醫老于鄉治危疾多取奇効名滿吳中

支鑑字汝同性整潔塊坐一室左右圖籍數卷日就窓几界烏絲闌作小楷百字以為常凡宮廟墟墓碑榜多其手筆間畫細篠澗蒲頗極幽致又有李元壽字仁山亦善大

崑山縣志 卷七  
小楷書

王綸字理之以字行偉貌修髯喜吟善書爲沈石田入室弟子尤工楷書并篆隸闕理重建孔廟撫臣以禮聘之往等碑大額皆出其手所著有續崑山雜詠節烈編等書顧培字起元以字行善寫竹及篆隸楷書尤喜吟吼諸父昆弟皆貴顯起元獨家於東城之外安貧守志以壽終

人物八 僊釋

梁慧嚮吳興人姓懷氏天監十年由內寺歸省登馬鞍山息焉之志因放錫禪坐於山脇石室間方運籌思立精

舍夜半山神役鬼工築臺後人因名鬼壘臺其事詳見前觀門師後駐楊子江心蝦蟇山示寂寺僧感其開山乃斷石像於所憇石室中至今猶存

唐道欽禪師圓明人姓朱母管氏夢蓮生戶樞因生欽早從儒教年二十二遇素禪師謂之曰觀子神氣溫粹真法實也師感悟因求爲弟子素躬爲祝髮乃戒之曰汝乘流而行逢徑卽止師遂南遊抵臨安見東北一山問樵者曰此徑山也乃駐錫焉爲開山始祖唐大曆三年代宗召至闕下親加瞻禮賜號國一禪師後辭歸本山今薦嚴寺西

有羅漢橋名蓋指國一也

宋道川崐山翟氏子超以勇力名爲縣弓手被差捕賊宿廟中忽有所得徑出家往從東齊謙首座演法謙爲改名道川且曰汝舊名呼翟三今名道川川即三耳汝能堅起脊梁了辦箇事其道如川之增若放倒依舊翟三也乃徧遊江湖間遇虎不爲動虎亦馴伏其傍一日大書四句云我有一條鐵柳標縱橫妙用無人識臨行撥轉上頭關轟起一聲春霹靂危坐脫去有註金剛經行於世

四明二靈知和菴主崐山張氏子幼時嘗習坐垂堂堂傾父母意其必死師瞋目自若因使出家年滿得度趨請

潭潭見乃問作甚麼師擬對潭便打復喝曰你喚做甚麼禪師薦領旨卽曰禪無後先波澄大海月印青天又問如何是道師曰紅塵浩浩不用安排本無欠少潭然之後往二靈三十年居無長物惟二虎侍其左右一日威於人師以偈遣之宣和七年四月十二日跌坐而逝塑二虎於像

前至今存焉

出傳  
燈錄

清化師全副崐山人隨父賈販至豫章聞禪會之盛因求出家學成自仰山還故國錢忠獻王賜紫方袍師不受王

改衲衣仍號純一禪師曰吾非飾讓也慮後人倣吾而逞  
欲耳開寶四年秋示寂大風催震林木

無菴法禪師岷山陳氏子名法全棄家從道川爲僧參請  
勤至一日行靜濟殿前偶撞其首於柱間忽然大悟旁觀  
者見其光彩飛動而全自不知也自此遍走山林道價日  
增乾道中將入寂衆求偈師瞪目下視衆請益遂書無無  
二字棄筆而逝火後設舍利五色塔于金斗峯

易如剛字仁甫饒州安仁人幼孤入龍虎山爲道士後王  
茅山王晨觀移王崇福慶元初召任三茅壽寧觀授太乙

宮高士遷左右街道錄後爲崑山普照觀開山住持寧宗  
御書觀額及止堂扁賜之嘉定四年賜號通妙先生十四  
年復加葆真

王可交居吳淞江趙屯村以畊釣爲業一日櫂舟入江方  
擊楫高歌忽見彩舫漾於中流有道士七人中有呼可交  
者頃之不覺舟迫舫側有呼可交上舫者道士皆眎之一  
人曰好骨相合仙生凡賤間已炙破矣一人於筵上令侍  
者傾酒飲之又與二栗食之甘如飴命黃衣送上岸覓所  
乘舟不可得但覺風水林木之聲聞取峰巒重疊松栢參

天乃在天台山瀑布寺前僧迎問之曰今早離家蓋三月  
三日僧言九月九日巳半年餘矣僧設食可交厭聞食氣  
自後絕穀挈妻子住四明山不復出後人時有見之者  
元衣和菴主蘇州崑山人也隱居雪竇之樓雲畜二虎恒  
跨之以遊後徙二靈終焉初雪竇妙高峰在千丈巖巔有  
藤一枝蜿蜒其上下臨不測乃蟠結成龕為藏脩之所故  
號樓雲大德丁未燬于盜更二十年不克復虎乳其墟為  
害咸謂菴復而和祠則虎患其息至元丙子復其菴省其  
像於是二虎前伏養滋飲和屈猛從仁不為害

慈照宗王子元號禹事休崑山茅氏子母柴氏夜夢一佛  
入門次日遂生因名佛來父母早亡投本州延祥寺志通  
出家習誦法華經十九祝髮習止觀禪法一日正定中聞  
鴉聲悟道嘗發誓言大地人普覺妙道每以四字為定名  
之宗從此宗風大弘師集彌陀節要法華百心論證道歌  
風月集行于世後以度城倪普建宅告諸徒曰吾化緣年  
日當行矣至日果空掌辭衆奄然示寂茶毘塔於松江力  
及市巷吳覺昌宅始以誦最勝之塔  
王惟一本枯倉人山景陽子從父官華亭因家焉嘗以

儒術飾吏事已而

又從幼遊遇至人授以還丹九轉心

領其要乃著景陽明

退篇金丹樞要先天易贊祈禱問答

行雷心傳道法精微

八六書晚年遇太倉樊涇嶽祠泰定

丙寅正月三日自筆

六遺事友偈畢端坐而逝顏貌如生

小龜既灰而靈骨挺

然

國胡常在號別峯本

江陰陳氏子方晬值亂兵掠其境毋

携之避走驚懼墜水

不能救次日兵見錦襖小兒浮水面

舉取其襖而體尚溫

俄傾遂甦異之乃携歸邑民張勝乞

為養子遂冒張姓甫

成重抗之集慶寺僧正純聞見受難

事甚苦求為徒張即捨之因名常在既長為僧往天界寺

謁曇公公見師貌偉而聲如鍾器之俾領綱維衆皆慄服

洪武二十年補鷄鳴寺住持引見奏對稱旨久之

太祖召僧錄司官諭曰前任鷄鳴寺僧有福着他住育王

寺越數載玄教宏敷宗風遠揚永樂二年十月十三日無

疾而化闍維五色舍利纍纍然其弟子奉歸薦嚴寺

藏焉

文琇號南石崑山李氏子出家邑之紹隆庵禮智興為師

嘗詢法要於虎丘行中仁禪師得言外旨洪武間住郡

之普門遷靈石萬壽永樂七年住杭州之徑山少師姚廣

老貧以詩云升堂妙闡第一義緇白圍繞如春熙諸天散  
花無路入老龍獻供伸鬚眉越四載退歸蘇之北山松院  
永樂某年月日無疾而逝有續傳燈錄四會錄行於世  
薛朝陽字鳴鳳號洞玄冲靖廣道大真人先居龍虎山上  
清宮有齋糧田莊在崑山澱湖因造觀堂遊息於此一日  
召仙得薩真人降筆云王堂侍御久思凡謫向人間九十  
三此去更能修大德青氈依舊列仙班洪武二年寓報恩  
宮時年九十三矣沐浴整衣端坐題筆云條然夢覺本非  
仙百歲何妨欠七年昨夜崑崙孤頂上一聲霹靂舊青天

擲筆而逝

李德睿字士明號鶴瓢道人勇穎悟有出塵之想心父母以  
其不宜於俗捐愛出家於蘇之寧真師禮趙中父習玄學  
及長爲道士凡三皇內文九鼎丹法延齡衛生之術醮章  
煉度之書罔不該博後從莊子正遊黃帝岐伯之書先賢  
治證之論悉造其奧又遇樵人李清隱教以竇太師飛騰  
針法由是以醫鳴而一時王公貴人下至韋布皆敬慕而  
願見焉洪武癸巳年七十有二無疾而逝大曆之日有祥  
光罩禽群鴉來集縉紳士夫多以詩文讚詠之其行實具

崑山縣志  
卷之七  
見少師姚廣孝碑銘

崑山縣志卷之七



